

non è 30 boni homeni, e sono stà pagati di calze e zuponi, e non pono viver, fuzeno im Puia; lauda Martinel di Lueha, contestabele, è li. *Item*, a la parte di cassar paesani, risponde è *solum* 4 forestieri, si che non sa chome far, et non potriano altri star con 6 page a l'anno. *Item*, di ducati 80 havia di le trate, à armato la fusta, à ricevuto *solum* taole numero 1100, e travaxelli 24. *Item*, per do soi exploratori ha, Feris bei esser venuto a Resiza et Piperi, e havia fato nefar le strade, et facea adunationi di zente a pic' et a cavallo, e preparato zopoli per passar il fiume, e li cariazì venuti a Podgoriza, per venir versso Cataro, ma sopravene uno corier dil signor turcho, a farli comandamento ritornasse, perchè il re di Hongaria havia preso do soe terre, et cussì è tornato via. *Item* aricorda, si el capetanio zeneral mandasse li in colfo 12 galie, vederia di tuor Castel Nuovo.

Dil ditto, di 7. Chome à nova, il re di Hongaria havia roto al turcho, facendo gran crudeltà; e manda una letera di certo frate di San Bernardin, scrive a uno altro di la liga. fata *etc.*, e la cruciata. *Item*, esso provedador scrive, sier Antonio Condolmer vol da lui certe bolete, unde refudava, e fusse fato in locho suo per esser de qui *etc.*

467 *Da Cataro, soto scritta*: Judices, minus et secretum consilium communitatis Catari, di 25 novembro. Laudano il suo proveditor; prega la Signoria li provedi, et non li abandonino *etc.* *Item*, il populo scrisse una altra letera, soto scritta: *procuratores cum deputatis universitatis populi Catari*. Scriveno zercha il jubileo richiesto a Roma, et haveano diliberà, li danari si trazevano andasse in rescuoder li presoni, perhò pregava *etc.*

Di sier Marin da Molin et sier Alvise Zorzi, capetanij di le galie da Baruto e Alexandria, di Puola, di 12; poi dil Molin solo, di 8, et dil Zorzi, di 14. In conelusion, quelle galie stracarge, maxime di Alexandria, e il capetanio di Baruto non à vuto obedir; li protestate. E lui à risposo per protesto, pur à levato 60 coffe di rame di la galia Marcella, di Alexandria, e posto 4 gomene di galie a l'incontro. Dice el Zorzi esser benissimo in hordine, e interzado; à ricevuto l' aviso di la Vajusa, ma non stima. *Item*, quel di, a di 14, feno vella; con le qual galie va sier Alvise Arimondo, consolo in Alexandria. *Item*, par ditti capetanij siano stati 50 zorni in Istria, et dite galie vano richissime, più che mai andasseno.

Chargo de le do galie di Alexandria, capetanio sier Aloixe Zorzi, 1500.

Rami im pam	c. ⁱ	1233
Rami in verga	f.	40
Stagni	f.	28
Rami lavoradi	b.	30
Banda larga	f.	50
Fil de rame	f.	6
Zenabrij	c. ⁱ	307
Saom	s.	62
Gripola	b.	9
Seda de cavallo	b.	2
Corali	c.	9
Armelini e zibelini	c.	9
Vari	b.	2
Pani di seda	c.	7
Cristalli	c.	3
Aver de cassa a nollo per ducati 200 milia.		
In cassa de merchadanti per ducati 25 milia.		

Chargo de le do galie di Baruto, capetanio sier Marin da Molin, 1500, per Soria.

Pani	b.	400
Cenabrij	c.	156
Stagni	c.	212
Banda raspa	b.	18
Rami im pam	c. ^o	354
Rami in verga	c.	33
Fil de rame	b.	248
Arzenti vivi	f.	48
Corali	c.	17
Ambre	b.	9
Sarze	b.	9
Carte	b.	42
Rami lavoradi	c.	9
Vari	b.	3
Zebelini	c.	2
Pani d'oro e di seda	c.	10
Velli	c.	1 467
Veri	c.	2
Merze	c.	24
Canevaze	r. ^o	22
Dieta (?)	b.	35
Aver di cassa a nollo arzenti gropi 117.		
<i>Item</i> ori gropi 18.		
In cassa di merchadanti crede sia pocho.		

Per Corfu.

Pani	b.	202
Capeli	b.	8